

立杜賣盡根契字人社養北中庄張作進，有承祖父鬮分應得水田壹段，土名坐落在西尾堀埤仔腳，東至坑，西至清江田，南至大溝，北至坑，四至各有定界明白，併帶圳水灌溉充足。今因乏銀費用，願將此應份水田出賣，先盡問叔兄弟侄房親人等俱不欲承受，外托中引就與灣仔庄陳穆官出首承買，參面議定時值價銀參拾玖大員正，每元平重各柒錢。其銀即日全中交收足訖，其田遂即踏明界址，交付買主掌管，任從起耕招佃，收租納課，永為己業。自此壹賣千休萬斷，異日子子孫孫不敢言贖，亦不敢言找，併不敢生端滋事。保此田係進承祖父鬮分應份物業，與房親人等無干，亦無重張典掛他人財物，併拖欠課租與及上手來歷交加不明等情。如有等情，進壹力抵當，不干買主之事。此係式比甘愿，各無反悔。今欲有憑，立杜賣盡根契壹紙，併帶鬮書壹紙，合共貳紙，付執為炤。

即日全中親收過盡根契字內佛銀參拾玖大元，每元平重各柒錢正完足。再炤。

代書人 莊獻章 (花押)

為中人 張紹本 (花押)

胞叔張什伍 (花押)

知見人母親吳氏 (花押)

同治拾貳年歲次癸酉參月

日立杜賣盡根契字人張作進 (花押)

